

# KA YESU KRISTU TSEEGH A YIMA

Una mar wan u nomso, ú ii Un iti wer Yesu, gadia ka Un  
Una yima ior Nav sha asorabo a ve ye. Mateu 1:21

Gadia tar ne doo Aôndo ishima je, nahan A na Wan Na u  
môm môm la sha er anti or u nan ne Un jighjigh yô,  
nana de timin ga kpa nana zua a uma u tsôron.  
Yohane 3:16

Yesu kaa a na er: Mo M ngu gbenda man mimi man  
uma kpaa. Ma or nana gba van hen Ter ga, saa sha a  
Mo. Yohane 14:6

Myom ngu ken orgen ga, gadia ma iti igen i i ne ior i á  
yima se a mi keng yô, ngi shin tar ga. Aerenakaa 4:12

Gadia m hii nan ne kwagh u mo kpa m ngohol la, er  
Kristu kpe sha ci u asorabo ase er Ruamabera a kaa  
nahan. man er i ii Un man sha iyange i sha utar la A  
nder er icighanruamabera a kaa nahan:  
1 Mbakorinte 15:3-4

Ka ken a Na man se lu a mpaa sha  
awambe a Na ye, ka mde u asorabo ase  
je la, sha mngée u mrumun u sha mhôn  
Na. Mbaefese 1:7



And the gospel must first be published  
among all nations. MARK 13:10



Akaa a mimi anyiin nga a i gbe u se kav a vighe vighe yô:

1. Aôndo doo u ishima kpishi.

A soo er we u zua a uma u tsôron sha vea Na.

Gadia tar ne doo Aôndo ishima je, nahan A na Wan Na u môm môm la sha er anti or u nan ne Un jighjigh yô, nana de timin ga kpa nana zua a uma u tsôron. Yohane 3:16

A soo ér u lu a uma u injaa man u lun a inja vea Na.

Ormbaiv ka nan va sha u nana ii man shi nana wua man sha u vihin kwagh kpaa. M va sha u vẹ zua a uma, vẹ seer zuan a mi wuee je. Yohane 10:10

Nahan cii kpa, ior kpishi mba zuan a uma u lun a inja ga shi mba a vangertiôr ér vea zua a uma u tsôron ga sha ci u...

2. Or ka nan lu a isholibo sha mlu u nan. Ka nahan ve a pav a Aondo ye.

Ve cii ve er isholibo.

Gadia ior cii er isholibo, kera mba a iengem i Aôndo ga; Mbaromanu 3:23

Gadia mishe u hanma kwaghbo cii yô, ka inyaregh ki saren...

1 Timoteu 6:10

Injar i isholibo yô, ka ku.

Gadia injar i isholibo yô, ka ku... Mbaromanu 6:23

Bibilo pase anza a ku ahar jighilii:

- Ku u sha iyol

Man er i ver ior ér vẹ kpe kwa môm, man ken masejime yô, á ôr ve ijir nahan. Mbaheberu 9:27

- Ku u ken jijingi shin u paven a Aôndo gbem sha won ken igyamusu

Kpa mbacian kwagh man mbananjighjigh ga man mbaihyomov man mbawuanior man mbaerenijimba man mbaerenahir man mbacivir akombo man mbaaiev cii yô, kwar ve una lu ken ber u usu man sulfur, ka ku u sha uhar je la. Mpase 21:8



Aluer or pav a Aôndo sha ci u isholibo i nan yô, ka nyi i lu mkur u zayol nee? Ashighe kpishi ka se hen ser akaa a been a mzeyol ne yô, ka: kwaghaôndo man ityom i dedoo man ieren i dedoo. Kpa gbenda u been a zayol ne ngu môm tseegh hen Aôndo.

3. Ka Yesu Kristu tseegh a lu gbenda u zan sha ye.

Kwagh ne ka mpase u Aôndo.

Yesu kaa a na er: Mo M ngu gbenda man mimi man uma kpaa.

Ma or nana gba van hen Aôndo Ter ga, saa sha a Mo.

Yohane 14:6

Yange kimbi mtsaha u asorabo ase la jimin cii.

Gadia Kristu kpaa kpe sha ci u asorabo kwa môm, Orperapera sha ci u mbaperapera ga, sha u Una va a vese hen Aôndo yô.

1 Peteru 3:18

Ka ken a Na man se lu a mpaa sha awambe a Na ye, ka mde u asorabo ase je la, sha mngée u mrumun u sha mhôn Na.

Mbaefese 1:7

Ngu a ityendezwa i uma u tsôn.

Or u nan ne Wan jighjigh yô, nan ngu a uma u tsôn. Man u nan ne Wan jighjigh ga yô, nana nenge a uma ga; kpa iyugh i Aôndo ngi sha a nan. Yohane 3:36

Gadia injar i isholibo yô, ka ku; kpa iyua i Aôndo yô, ka uma u tsôn ken Kristu Yesu Ter wase. Mbaromanu 6:23

4. Gba u se na Yesu Kristu jighjigh ve se zua a myom ye.

Myom wase ka sha mrumun u sha mhôn u Aôndo sha jighjigh u nan ken Yesu Kristu.

Gadia ka sha mrumun u sha mhôn i yima ne ye, sha jighjigh u nan; ka sha aeren a en ga, ka sha aeren a en ga, sha er ma or nana de te ihagh ga yô. Mbaefese 2:8-9

Gadia hanma or u nana yer sha iti i Ter yô, nana war."

Mbaromanu 10:13



Msen u Orsholibo

Er msen ne sha jighjigh u nan:

Ter Yesu, m sugh u kpishi er m doo u ishima yô. M pase mer m ngu orsholibo nahan m ngu sônôn we mde u asorabo. M sugh u sha ku wou sha terankon man m-ii wou man mnder wou u shin ku sha u kimbin mo asorabo am cii. M na u jighjigh mer u ngu Ter wam man Oryiman wam. M ngohol iyua you i uma u tsôron la shi m na uma wam sha ikyev you. Wasem m er atindi a ou cii ikyo, m doo u ishima. Amen.

Aluer u suur sha Yesu Kristu yô, akaa a a dondo heen ne er u:

- Hegen yô, u ngu a uma u tsôron vea Aôndo.

Ishima i Un u A tindim la yô, ka u hanma or u nana nenge a Wan man nana na Un jighjigh yô, nanā zua a uma u tsôron;  
Yohane 6:40

- I kimbi asorabo ou cii shi i de u kpaa.

(kwagh u a kar, u hegen, u ken hemen)

Kpa Un yô, er A na nagh ku môm sha ci u asorabo gbem yô, A za tema ken uwegh ku yanegh ku Aôndo gbem sha won.

Mbaheberu 10:12

- U ngu kwagh u he sha ishighe ki Aôndo. Ka mhii u uma wou u he la.

Nahan yô, aluer or ngu ken Kristu yô, nan hingir or u he; nenge, akaa cii hingir a he. 2 Mbakorinte 5:17

- U hingir wan u Aôndo.

Kpa mba ve rumun Un cii, A na ve tahav mbu hingir ônov mba Aôndo, ka mba ve ne iti Na jighjigh je la. Yohane 1:12

Aeren a dedoo ka gbenda u se zua a myom ga, kpa ka ikyav shin ityamegh ki myom wase.

Gadia se mba tomaveegh Na, A gba se ken Kristu Yesu sha ci u ityom i dedoo i Aôndo A tsenga veren ér sẹ zenden sha mi la.

Mbaefese 2:10

Aondoter a nau iveren!